

Saammaateqatigiinnissamut isumalioqatigiissitap innersuussutaanik nangitsinermi killiffik iliuusissatullu pilersaarut

Saammaateqatigiinnissamut isumalioqatigiissitap Naalakkersuisut 2014-imi pilersippaat. Isumaliutissiissut arfineq marlunnik innersuussuteqartoq december 2017-imi Naalakkersuisunut tunniunneqarpoq.

Innersuutit

Innersuussut nr. 1: Kalaallit Nunaata oqaluttuarisaanera – uagut isitsinnik isigalugu

Saammaateqatigiinnissamut Isumalioqatigiissitami ilaasortat innersuussutigaat, uagut nunatsinni qangaanerusoq pisut oqaluttuarineqarissaat siunertaralugu, inuiattut siunnerfimmik iliuusissatullu pilersaarummik ineriartortitsinissarput. 'Kalaallit Nunaata oqaluttuarisaanera – uagut isitsinnik isigalugu' tassaassaaq kinguaariit ataqatigiinnerannik pilersitseqataasussaq, maannamut angusimasatsinnik tulluusimaarutiginninnermik pilersitsisussaq, aamma inuiannik allanik naapitsinitsinni uagut ataatsimut kikkunitsinnik toqqammavissisussaq. Kalaallit Nunaanni nammineq oqaluttuarisaanermik allaaserinninnermi najukkani ataasiakkaani oqaluttuarisaaneq ilanngunneqassaaq, Sisimiuni aaffanniarnermi Qeqertarsuarmi qilalukkanik qaortanik piniartarnermut. Danskit naalagaaffiat toqqortaatinik pigisanillu ilanngussisariaqarpoq, 'Kalaallit Nunaata oqaluttuarisaanera – uagut isitsinnik isigalugu', allanneqalerpat.

'Kalaallit Nunaata oqaluttuarisaanera – uagut isitsinnik isigalugu', inuiaqatigiit oqaluttuarisaanerannik aamma innuttaasut ataasiakkaat oqaluttuassartaannik imaqqassaaq. Innuttaasut peqataatinneqartariaqarput, tusaaneqartariaqarput aamma taakkua oqaluttuaat pissanganartunngorlugit soqutiginartunngorlugillu najukkami ingerlateqqinneqartariaqarput, kingorna atuarfinni, ilinniarfeqarfinni aamma nuna tamakkerlugu tusagassiivitsigut inuillu attaveqatigiittarfii aqqutigalugit saqqummiullugit. Soorlu Australiami nunap inoqqaavi namminneq oqaluttuarisaanertik, kulturertik naleqartitatillu pillugit atortussanik pissarsiariuminartunik suliaqarsimasut, taamatuttaaq nunatsinni saqqummersitanik assingusunik pilersitsisoqarsinnaassaaq.

Innersuussut nr. 2: Oqaluttuarisaaneq aamma saammaateqatigiinneq pillugit ilisimasanik katersivik

Saammaateqatigiinnissamut Isumalioqatigiissitami ilaasortat innersuussutigaat, oqaluttuarisaanermik aamma saammaateqatigiinneq pillugit ilisimasanik katersivimmik Ilimmarfimmiiinnaasumik pilersitsisoqartariaqartoq. Ilisimasanik katersivimmi qanga pisut kingunerinik saammaassinissamut periutsinik ineriartortitsinissamik aamma suliasinneqartariaqarpoq, saammaateqatigiinnermut periutsinik ineriartortitsisoqarnissaa pisariaqartinneqarmat, taamaaliornikkut kinguaariit tulliit kingornussatut misigisapiloqarnissamik eqqugaaqqunagit.

Ilanngullugu Saammaateqatigiinnissamut Isumalioqatigiissitami ilaasortat kaammattuutigaat, nunasiaataasimanermit kingornussat pillugit kalaallisut oqariartaatsit taaguutinik nutaanik ilaneqaqqullugit, saammaateqatigiinnissamut periusissani nutaani ineriartortinneqartumi atorneqarsinnaasunik. Taaguutit nutaat kalaallinut piviusorsioratumik nipeqartinneqassapput taakkunani nunatsinni oqaluttuatoqqanit ilisimasat maluginiarneqassapput aamma timimik, anersaamik tarnimillu ilivitsutut paasinnittaasitoq toqqammavigineqartariaqarluni.

Innersuussut nr. 3: Saammaateqatigiinnermut aningaasaateqarfik

Saammaateqatigiinnissamut Isumalioqatigiissitami ilaasortat innersuussutigaat, saammaateqatigiinnermut aningaasaateqarfimmik pilersitsisoqarnissaa, tassanga periutsinik katsorsaariaatsinillu ineriartortitsineq tapersersorneqassaaq, katsorsaataaqataasinnaamat nunatsinni innuttaasut katsorsaanermit periutsimut tunngaviummik eqqarsaatersuutinik pilersitseqataaffigisaat aamma innuttaasut ataatsimoorfigisinnaasaat, tamatumalu saniatigut inuiaqatigiinni najukkatsinni nukittuffiit amerlaqisut ersersinneqarlutik. Aningaasaateqarfik ilisimatusarnermik tapersersuissaaq suliniutinullu aalajangersimasunik saammaateqatigiinnissamik ingerlatsinnermut pisariaqartumut tapertaasunut, taamaaliornikkut innuttaasut pilliutaasimasutut misigisimanermit namminneq oqaluttuassartaminnut saammaassillutik nukittorsimallutik namminneq inuunerminnut akisussaassuseqalersinnaaqullugit. Inuit ataasiakkaat ineriartornerat pineqarpoq, taamaaliornikkut inuiaqatigiinni peqataasutut ingerlatsinnaaleqqullugit. Aamma atortussanik ineriartortitsinissaaq pineqarpoq, suliffeqarfiit ineriartornermut tassunga ilanngussaarsinnaaqullugit.

Saniatigut Saammaateqatigiinnissamut Isumalioqatigiissitami ilaasortanit innersuussutigineqarpoq, saammaassinissamik suliaq ukiut amerlanngitsut iluanni ullormik naammassivissaqartariaqartoq, aamma nuna tamakkerlugu aaqqissuussinissaaq anguniarlugu suliniartoqartariaqartoq, tassani innuttaasut tamarmik qanga pisunik paasinnillutik, ullutsinnut akisussaassuseqarlutik siunissamullu pitsaanerumut suleqatigiinnissaaq ersersinniassammassuk.

Innersuussut nr. 4: Naleqartitat ataatsimoorussat

Saammaateqatigiinnissamut Isumalioqatigiissitami ilaasortat innersuussutigaat, naleqartitanik ataatsimoorussanik ineriartortitsiniarluni siunnerfimmik aamma iliusissatut pilersaarummik ineriartortitsisoqartariaqartoq. Anguniarneqarpoq inuiaqatigiinni nukimmik ataqatigiissitsisumik pilersitsinissaaq aamma meeqqat tamarmik uagut inuiaqatigiittut inuuffigisatsinni inuunerminnik pitsaasumik aallartitsinissaaq anguniarlugu ataatsimoorussatsinnik akisussaaffeqarnissarput.

Naleqartitat ataatsimoorussat nutaat meeqqanik, inuusuttunik kinguaariinnullu inunngortussanut nutaanut perorsaanitsinni toqqammavigineqassapput. Inuiattut naleqartitat peqataatitsisuussapput, mattussuisuunatik inuiaqatigiinni innuttaasut tamarmik inissaqartinneqarnissaannut qulakkeerinnissutaassapput, innuttaasut suaassusiat, atoqateqariaasiat, ukiui, ilinniarsimassusiat, isikkuat, najugaqarfiaq, oqaatsit atugaat aamma politikikkut inissisimanerat apeqqutaatinnagit. Kalaallit Nunaanni nukissat pitsaasut tamarmik atorfissaqartinneqarput, aamma inuiaqatigiinni demokratiskiusuni isummersuutit assigiinngitsut inissaqartinneqartariaqarput.

Saammaateqatigiinnissamut Isumalioqatigiissitami ilaasortat innersuussutigaat, ileqqorissaarnermut siunnersuisooqatigiinnik pilersitsisoqassasoq, taakkulu siullertut suliarissagaat inuiaat ataatsimoorussatut naleqartitaannik suliamik aallartitsineq. Ileqqorissaarnermut siunnersuisooqatigiit kingorna ileqqorissaarnermut apeqqutit inuiaqatigiinni pilersartut pillugit akisussaaffeqassapput, aamma inatsisinik malittarisassanillu nutaanik suliaqarnermut tunngatillugu.

Innersuussut nr. 5: Kalaallit oqaasiinik nukittorsaaneq

Saammaateqatigiinnissamut Isumalioqatigiissitami ilaasortat innersuussutigaat, oqaatsit pillugit inatsimmi anguniakkat ilumut atuutsinneqaleqqullugit, taamaaliornikkut kalaallisut oqaatsit nukittorsarneqaaqqullugit inuiaqatigiinni sutigut tamatigut – angajoqqaat, meeqqerivinni sulisut, atuarfinni, ilinniarfeqarfinni aamma suliffeqarfinni tamaginni – ilungersuussilluni ingerlatsisoqarneratigut.

Saammaateqatigiinnissamut Isumalioqatigiissitami ilaasortat isumaqarput, allamiut oqaasii pillugit suliniutit annikillisinneqartariaqanngitsut, paarlattuanilli nunanut tamalaanut akuusutut inooqataanermi oqaatsinik allanik atuisinnaaneq pingaerneruleriartuinnarpoq, taamaattumik Saammaateqatigiinnissamut Isumalioqatigiissitamit innuttaasut tamarmik kaammattorneqarput, inuiaqatigiinni uagut inuuffigisatsinni oqaatsinik arlariinnik atuiffiusumi pitsaasumik attaveqatigiissinnaaneq ataqeqatigiissinnaanerlu angujumallugit sulinermi qulakkeerinneqataaqqullugit.

Innersuussut nr. 6: Utoqqatsertitsinissamik kissaat

Innuttaasut ilaat, ingammik kinguaariinni utoqqartaasut Saammaateqatigiinnissamut Isumalioqatigiissitamut oqaatigaat, ineriartornerup aqqani pineqarsimanertik pillugu utoqqatserfigineqarnissartik pissusissamisuussasoq. Oqaluttuarput, innarlerneqarsimallutik pinngitsaalisamik nuutsitaasimanermikkut, misileraataasimanermikkut aamma namminneq nunaminni innuttaasutut appasinnerusumik inissisimasutut misigisimatitaasarnermikkut.

Saammaateqatigiinnissamut Isumalioqatigiissitami ilaasortat innersuussutigaat, Naalakkersuisut pineqartoq pillugu innuttaasut tamarmik isumaat saqqummersinniarlugit Kalaallit Nunaata iluani oqallitsitsinermik aallarniissasut.

Innersuussut nr. 7: Kiffaanngissuseqarluni, sioqqutsisumik aamma paasissutissiisumik akuersineq

Saammaateqatigiinnissamut Isumalioqatigiissitami ilaasortat innersuussutigaat, Naalakkersuisut qulakkeertariaqaraat qitiusumit aqutsisoqarfiup taassumalu ataani suliffeqarfiit siunissami qulakkeertassagaat innuttaasut kiffaanngissuseqarlutik, sioqqutsisumik aamma paasissutissiisumik akuersinissamut pisinnaatitaaffeqarnissaat, inuiaqatigiinni allannguinerneq annertuunik pilersaarusiortoqartillugu, innuttaasut ataasiakkaat inuunerannut sunniuteqartussanik.

Taamaaliornikkut siornatigut kannguttaatsuliorsimanertut ittut pitsaaliorneqassapput uteqqinneqaratillu.

			<p>"Spiralilersortissimasut pillugit suliamik" qulaajaanissaq isumaqatigiissutigaa.</p>	<p>ilisimatusarnermi pingaaruteqartutut itsarsiornermi, oqaluttuarisaanermi etnologiimilu inissisimalissasoq.</p> <p>Danskit naalakkersuisui aamma Naalakkersuisut kissaatigaat "Spiralilersortissimasut pillugit suliamik" taaneqartartumik kiisalu naartunaveersaasersuinermi suliaqartarnernik allani, Kalaallit Nunaanni kalaallinut niviarsiaqqanut arnanullu, kiisalu Danmarkimi assersuutigalugu efterskolini kalaallinut ilinniartunut naammassineqartarsimasunik arlaannaanulluunniit attuumassuteqanngitsumik qulaajaasoqassasoq.</p> <p>1960-imit 1991 ilanngullugu, Kalaallit Nunaata peqqinnissaqarfik pillugu suliaqarfimmik angerlaassinissaata tungaanut oqaluttuarisaanermi ataqatigiinnerit qulaajarneqassapput. Taamatuttaarlu aalajangiinerup tunuliaqutaa kiisalu suliniutip</p>	
--	--	--	---	---	--

				<p>naammassineqarnera, tassungalu atatillugu arnat eqqugaasut taakkulu misigisaat ilisimannittut nalunaaruteqarnerisigut ilanngullugit qulaajarneqassapput. Misissuinertaaq taamani spiralilersuinerup kiisalu allanik naartunaveersaasersuinerup inatsisitigut, peqqissaanikkut kiisalu allaffissornikkut tunngavii qulaajarneqassapput.</p>	
2	<p>Oqaluttuarisaaneq aamma saammaateqatigiinneq pillugit ilisimasanik katersivik</p>	<p>IKTIN</p>	<p>Ilisimatusarfimmi avataanit akuleruffigineqarani ilisimatusarnermi aningaasaliissutit atorlugit, "Ilisimatusarfiup issittumi atugarissaarneq pillugu ilisimatusarfia" Ilisimatusarfiup nammineerluni pilersippaa. Centerimi ilisimatusarnerup sammissallu tapersiinissaat, aamma universitetimi ilisimasaqarfinni assingusuni ilinniakkanilu atugarissaarnermut tunngasuni allani sammineqartut assigalugit Centeri Kulturimik, Oqaatsinik Oqaluttuarisaanermillu Ilisimatusarfimmi aamma Inuiaqatigiilerinermik, Aningaasaqarnermik</p>	<p>Suliniut Saammaateqatigiinnissamut Isumalioqatigiissitap innersuussutaasa ilaannik ersarilluni nangitsineruvoq aamma nunatsinni kalaallit nuiaqatigiit pingaarnertullugit oqaluttuarisaanitsinni ilisimatusarnermit paasissutissanik ingerlatitseqqiinissamut periarfissaalluni.</p>	

			<p>Tusagassiornermillu Ilisimatusarfimmi inissisimavoq. Atugarissaarnermut ilisimatusarnermik Ilisimatusarfimmi inissinikkut qulakkeerneqarpoq ilisimasatigut silittumik nunatsinni ilisimatusarnermi avatangiiseqalerneq ukkataralugu ilisimatuutut ilinniarnertigut – kiisalu suliffiit akimorlugit immikkoortumi ilisimatuut akoranni attaveqatigiittarnermi aalajangersimasunik sinaakktissanik pilersitsinissaq.</p>		
3	Saammaateqatigiinnermut aningaasaateqarfik	IKTIN		<p>Saammaateqatigiinnermut aningaasaateqarfimmik pilersitsinissamut Naalakkersuisut maannakkut pilersaaruteqanngillat.</p> <p>Ilisimatusartut suliaannut aningaasaliisinnaasunik qinnuteqarfissanik arlalinnik ullumikkut peqarpoq. Nunatsinni Ilisimatusarnermik Siunnersuisoqatigiit nunatsinni suliffeqarfinnut attuumassuteqartunut ilisimatusarnermi sammiviit</p>	<p>Naalakkerusiusut ilisimatusarnermut periusissiatik ”Kalaallit Nunaata ilisimatusarnermut periusissiaa 2022- 2030” saqqummersippaat. Ilisimatusarnermut periusissiami anguniakkat pingaarnerit sisamat allassimapput, Naalakkersuisullu suut anguniarneraat</p>

			<p>tamaasa akimorlugit ukiut tamaasa 1,2 mio. kr.-nik agguaasarput. Kiisalu nunatta Danmarkillu peqatigiillutik ukiumut aningaasaliiffigisarpaat 3-5 ph.d.-nngorniartut postdoc- imillu suliaqartut. Aningaanik qinnuteqarfigineqarsinnaasut tamanut ammasumik unammillernikkut aalajangersimasunillu quleqtsersuinatik aningaasanik agguasarput. Nunatsinni Ilisimatusarnermik Siunnersuisoqatigiit ilisimatusarnerup inuiaqatigiinnit aallaaveqarnissaa pingaartittorujussuaat, kiisalu suliniutit nunatsinni piginnaasanik ilisimasanillu pilersitseqataanissaat.</p>	<p>taakkulu sinaakkuserpaat:</p> <ol style="list-style-type: none"> 1) Ilisimatusarneq Kalaallit Nunaanni tunnaveqassaaq. 2) Ilisimatusarneq pijuartitsinissamik inuiaqatigiinnik ineriartortitsinermik tapersersuissaaq. 3) Ilisimatusarnermi angusat kikkunnit tamanit pissarsiariuminartuus- sapput. 4) Ilisimatusarnermi suliniut nunat assigiinngitsut akornannisulli qaffasissuseqassaaq. Tunnaveqarnissaaq isumaqarpoq ilisimatusarneq Kalaallit Nunaannit aallaaveqassasoq Kalaallit Nunaannilu inuiaqatigiinnut attuumassuteqassasoq. Taamaattumik najukkani inuit ilisimasaannik piginnaasaannillu peqataatitsinissaaq pisariaqarpoq, aamma Kalaallit Nunaanni ilisimatusarnermi
--	--	--	--	---

				<p>Naalackersuisunut siulittaasoq Ministeriunerlu juuni 2022-mi atsioqatigiillutik isumaqatigiissuteqarput oqaluttuarisaaneq pillugu qulaajaasoqassasoq. Sorsunnersuaq kingullermit maannamut nunatta Danmarkillu akornanni pisut oqaluttuarisaanikkut qulaajarneqassapput. Ilisimatuunit arlaannulluunniit pituttorsimanngitsunit qulaajaaneq suliarineqassaaq.</p>	<p>ileqqorissaarnissamut malittarisassiornissaq pisariaqarluni.</p> <p>Oqaluttuarisaanikkut qulaajaanissamut suliaakkiissummut missingiut suliarineqarpoq. Missingiut ataatsimoorullugu suliarineqarpoq Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmit Ilisimatusarnermullu Ministereqarfimmit.</p>
4	<p>Naleqartitat ataatsimoorussat (naleqartitanik ataatsimoorussanik ineriartortitsiniarluni siunnerfimmik aamma iliuusissatut pilersaarummik ineriartortitsisoqartariaqartoq aamma ileqqorissaarnermut siunnersuisoqatigiinnik pilersitsisoqassasoq)</p>	<p>ISNNN</p> <p>MIIN</p>	<p>Kalaallit Nunaanni meeqqat tamarmik inuunerminnik aallartilluarnissaat qulakkeerniarlugu Naalackersuisut arlalinnik iliuusissatut pilersaaruteqarlutillu periusissiaqarput. Suliniutit</p>	<p>Ileqqorissaarnermut siunnersuisoqatigiinnik pilersitsisoqarnissaanik Naalackersuisut maannakkut pilersaaruteqanngillat.</p> <p>Ilaqutariinni politikki, Inuuneritta III aamma Angajoqqaat meeqqanik sumiginnaasarnerat akiorniarlugu nuna tamakkerlugu iliuusissanut pilersaarut 2020-2030 maannakkut</p>	

		<p>pingasut meeqqat atugarissaarnissaanik eqqarsartaatsimikkullu peqqinnissaannik siunertaqartut piviusunngortinniarlugit Naalakkersuisut suliaqarput. Suliniutit pingasut taassaapput Ilaqutariinnut politikki, Inuuneritta III aamma Angajoqqaat meeqqanik sumiginnaasarnerat akiorniarlugu nuna tamakkerlugu iliuusissanut pilersaarut 2020-2030. Naalakkersuisut ukiumi kingullermi Naalagaaffiit Peqatigiit Meeqqat pillugit Isumaqatigiissutaata atuutsinneqarnissaa anguniarlugu 2023-2030-mut Naalakkersuisut iliuusissatut pilersaarutaat aamma Pinaveersaartitsineq pitsaanerusoq, ilaqutariit avataanni inissiinerit ikinnerusut: Ilaqutariinni pinaveersaartitsinermi iliuusissatut pilersaarut 2023-2030. Aamma Naalakkersuisut ilaqutariinni nakuusernarnerup akiorniarneqarneranut Iliuusissatut pilersaarut 2023-2030 suliaarat,</p>	<p>piviusunngortinniarneqarpoq.</p> <p>Ilaqutariinni nakuusernarnerup akiorniarneqarneranut Iliuusissatut pilersaarut 2023-2030 2023-mi Upernaakkut Ataatsimiinnermi saqqummersinneqassaaq.</p> <p>Inuit innarluutillit pillugit Naalagaaffiit Peqatigiit isumaqatigiissutaata malinneqarnissaa pillugu Iliuusissatut pilersaarut 2024-2034 aamma Meeqqanut suli atualinngitsunut periusissiaq: Meeraaneq naleqarluartoq 2023-2030 maannakkut suliarineqarput ukioq manalu saqqummersinneqassallutik.</p>	
--	--	--	---	--

			<p>Meeqqanut suli atualinngitsunut periusissiaq: Meeraaneq naleqarluartoq 2023-2030 aamma inuit innarluutillit pillugit Naalagaaffiit Peqatigiit isumaqatigiissutaata malinneqarnissaa pillugu Iliuusissatut pilersaarut 2024-2034. Suliniutit tamarmik ilaqtariit, meeqqat, inuusuttut aamma inuit innarluutillit toqqissisimanartunik avatangiiseqarnissaat qulakkiissavaat aamma inuiaqatigiinni allat assigalugit periarfissaqarnissaat.</p>		
5	Kalaallit oqaasiinik nukittorsaaneq	IKTIN	<p>Kalaallit oqaasii Naalakkersuisut nukittorsarniarpaat. Tamanna anguniarlugu Naalakkersuisut oqaatsit pillugit isumasioqatigiinneq 2022-mi aamma oqaatsit pillugit ataatsimeersuartitsineq 2023-mi pivisunngortippaat. Taakkunatigut qulakkearniarneqarpoq silittumik oqallinnissaq aamma immikkut ilisimasalinnit arlaqartunit soqutigisaqartunillu allanit innersuussisoqarnissaa.</p>	<p>Siunertamut aningaasaliissutit 2022-mut aamma 2023-mut Aningasanut Inatsimmi immikkoortinneqarsimapput. Taakkulu ingerlanneqareerput. Aamma peqataasut innersuussuteqarput. Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik oqaatsit pillugit ataatsimeersuarnermit isumasioqatigiinnermilu sulianik katersivoq.</p>	

			<p>Oqaasileriffiup taaguusersuutininikerisaaneranut, oqaatsinut teknologiimut kiisalu nunap aqqinut aningaasaliissutit annertusarneqassapput.</p>	<p>2023-mut Aningaasanut Inatsit pillugu isumaqatigiisummi aningaasaliinissaq qulakkeerneqarpoq. Oqaasileriffimmi atorfiit nutaat pingasut allagarsiunneqarlutik neqeroorutigineqarput, atorfillu ataasiinnaq inuttalernerqarsimalluni, atorfiillu sinneri pingajussaanik allagarsiunneqaqqillutik neqeroorutigineqarput.</p>	
6	Utoqqatsertitsinissamik kissaat	NSN	<p>Ministeriuneq Mette Frederikseni meeqqanut 1951-imi Danmarkiliartitaasunut 8. december 2020-mi utoqqatserpoq.</p>	<p>Naalakkersuisunut siulittaasoq Ministeriunerlu juuni 2022-mi atsioqatigiillutik isumaqatigiissuteqarput oqaluttuarisaaneq pillugu qulaajaasoqassasoq. Sorsunnersuaq kingullermit maannamut nunatta Danmarkillu akornanni pisut oqaluttuarisaanikkut qulaajarneqassapput. Ilisimatuunit arlaannulluunniit pituttorsimanngitsunit qulaajaaneq suliarineqassaaq.</p>	<p>Oqaluttuarisaanikkut qulaajaanissamut suliaakkiisummut missingiut suliarineqarpoq. Missingiut ataatsimoorullugu suliarineqarpoq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit Ilisimatusarnermullu Ministereqarfimmit.</p>
7	Kiffaanngissuseqarluni, sioqqutsisumik aamma paasissutissii-sumik akuersineq	NSN	<p>Inatsisartut, Namminersorlutik Oqartussat aamma kommunit inatsisissatut nalunaarutissatullu siunnersuutit tamaasa</p>		

			pinngitsooratik tusarniaassutigisarpaat. Taamaattumillu Naalackersuisut isumaqarput "kiffaangissuseqarluni, sioqqutsisumik aamma paasissutissiisumik akuersineq"-mut tunngatillugu innuttaasut piginnaatitaaffii qulakkeerneqartartut.		
--	--	--	---	--	--

Iliusissatut pilersaarut

Atugassarititaasut pitsanngorsarnissaat kiffaangissuseqarnerullu nukittorsaarnissaa Naalackersuisut anguniagaraat, taamaasiornikkut nunatsinni inuiaqatigiinni innuttaasut toqqissisimanissaat kiffaangissuseqarnissaallu annertusarniarlugu.

Politikkikkut pingaarnersiukkanik suliat Saammaateqatigiinnissamut Isumasioqatigiissitap innersuussutaannut naapertuukkaangata innersuussutit Naalackersuisut ilannguttassavaat.

Saammaateqatigiinnissamut Isumasioqatigiissitap innersuussutai naalackersuisoqarfiit arlaqartut akisussaaffiisa iluanniipput, taakkulu politikkikkut pingaarnersiukkat akuersissutigineqarsimasut naapertorlugit Naalackersuisoqarfiup akisussaasup suliarisassavai. Naalackersuisut suliniutaata annertunerusumik kiffaangissuseqarluni isumagineqarnissaa iliuusissatut pilersaarummi suliasani anguniarneqartarpoq. Taamaattumik suliniutit allanik taaguuteqarsinnaasarlutillu sammiveqarsinnaasarput, kisianni qulequtarisap ataaniillutik.

...

Suliniut	Iliuserisat	Akisussaasoq	Aningaasaqarneq	Piffissaliussaq
Kalaallit Nunaata oqa-luttuarisaanera – uagut isitsinnik isigalugu	Naalackersuisut siulittaasuata ministeriunerullu ataatsimut nalunaarutaat	NSN	Ingerlatsinermut aningaasaliissutit	2022
	Oqaluttuarisaaneq pillugu qulaajaanissamut suliakkiissusiorneq	IKTIN	Ingerlatsinermut aningaasaliissutit	Juni 2023
	Ilisimatusarfimmi ilisimatusarfimmik	IKTIN	DK-mik	2023

	pilersitsineq Spiralilersortissimasut pillugit qulaajaanissaq	PN	isumaqatigiinniarnaq DK-mik isumaqatigiissuteqarneq	Aallartinneranit ukiut marluk
Oqaluttuarisaaneq aamma saammaateqatigiinneq pillugit ilisimasani katersivik	Ilisimatusarfimmi ilisimatusarfimmik pilersitsineq	IKTIN	DK-mik isumaqatigiinniarnaq	2023
Saammaateqatigiinnermut aningaasaateqarfik	Ilaatigut qulakkeerineq	IKTIN	-	-
Naleqartitat ataatsimoo- russat	Ilaqutariinnut politikki Inuuneritta III Angajoqqaat meeqqanik sumiginnaasarnerat akiorniarlugu nuna tamakkerlugu iliuusissanut pilersaarut 2020-2030	MIIN MIIN MIIN	Ingerlatsinermut aningaasaliissutit Ingerlatsinermut aningaasaliissutit Ingerlatsinermut aningaasaliissutit	2023- 2023- 2023-
Kalaallit oqaasiinik nukittorsaaneq	2022-mi oqaatsit pillugit isumasioqatigiinnermik 2023-milu oqaatsit pillugit ataatsimeersuarnermik nangitsineq - Oqaatsit pillugit nukittuumik politikkiliorneq amerlanerit 35-nik ukioqalinnginnerminni inuussutissarsiutaasinnaasumik ilinniagaqarsinnaaqqullugit. Oqaasileriffimmik nukittorsaaneq	IKTIN IKTIN	Ingerlatsinermut aningaasaliissutit Ingerlatsinermut aningaasaliissutit	2023- 2023-
Utoqqatsertitsinissamik kissaat	Oqaluttuarisaaneq pillugu qulaajaaneq aallartinneqarpoq. Spiralilersortissimasut pillugit qulaajaaneq aallartinneqarpoq	NSN PN	- DK-mik isumaqatigiissuteqarneq	- Aallartinneranit ukiut marluk
Kiffaannngissuseqarluni, sioqqutsisumik aamma	Qulakkeerneqareerpoq.	NSN	-	-

paasissutissiisumik akuersineq				
-----------------------------------	--	--	--	--